

Na osnovu čl. 16., 20. i 23. Zakona o hrani ("Službeni glasnik BiH", broj 50/04), člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 16. stav (2) tačka d), člana 39. stav (1) i člana 40. Pravilnika o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja ("Službeni glasnik BiH", br. 5/13 i 62/17), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine u saradnji sa nadležnim organima entiteta i Brčko distrikta Bosne i Hercegovine, na 104. sjednici, održanoj 5. marta 2026. godine, donijelo je

**ODLUKU
O ODOBRENJU PREDIZVOZNIH PREGLEDA BADEMA
KOJE SJEDINJENE AMERIČKE DRŽAVE PROVODE
PRIJE IZVOZA U POGLEDU PRISUTNOSTI
AFLATOKSINA**

Član 1.

(Predmet Odluke)

- (1) Ovom odlukom propisuje se odobrenje predizvoznih pregleda badema koje Sjedinjene Američke Države provode prije izvoza u pogledu prisutnosti aflatoksina, model certifikata, te ostala dokumentacija koja prati pošiljku.
- (2) Ovom odlukom preuzimaju se odredbe:
 - a) Provedbene uredbe Komisije (EU) 2015/949 od 19. juna 2015. o odobrenju pregleda određene hrane koje određene treće zemlje provode prije izvoza u pogledu prisutnosti određenih mikotoksina;
 - b) Provedbene uredbe Komisije (EU) 2017/1269 od 13. septembra 2017. o izmjeni Provedbene uredbe (EU) 2015/949 u pogledu uklanjanja kikirikija porijeklom iz Sjedinjenih Američkih Država s popisa odobrenih pregleda prije izvoza u pogledu aflatoksina.
- (3) Navođenje pravnih akata Evropske unije (u daljnjem tekstu: EU) iz stava (2) ovog člana vrši se isključivo u svrhu praćenja i informiranja o preuzimanju pravne tečevine EU u zakonodavstvo Bosne i Hercegovine.

Član 2.

(Odobrenje pregleda prije izvoza)

- (1) Odobravaju se predizvozni pregledi koje Ministarstvo poljoprivrede Sjedinjenih Američkih Država (USDA) kao nadležni organ provodi prije izvoza u EU u pogledu aflatoksina u bademima navedenima u Prilogu I, koji je sastavni dio ove odluke, i proizvedenim na državnom području Sjedinjenih Američkih Država.
- (2) Predizvozni pregledi iz stava (1) ovog člana odnose se isključivo na dijelove pošiljki badema uvezenih od strane

države članice EU, a koje se otpremaju u Bosnu i Hercegovinu iz države članice EU.

Član 3.

(Popratni dokumenti i identifikacija pošiljaka)

- (1) Svaku pošiljku proizvoda iz člana 2. ove odluke mora pratiti:
 - a) izvještaj o rezultatima uzorkovanja i analiza koje u skladu s odredbama važeće EU legislativne provodi laboratorija koju je za tu svrhu odobrio nadležni organ iz člana 2. ove odluke;
 - b) certifikat koji prati pošiljku prilikom uvoza u EU na engleskom jeziku, koji je predstavnik nadležnog organa iz člana 2. ove odluke ispunio, ovjerio pečatom i potpisao. Certifikat vrijedi četiri mjeseca od datuma izdavanja. Oblik i sadržaj navedenog certifikata prikazani su u Prilogu II, koji je sastavni dio ove odluke;
 - c) Uvoznik u Bosnu i Hercegovinu mora osigurati, ovjerene od strane sudskog prevodioca, prijevode dokumenata iz tač. a) i b) ovog stava, na jedan od službenih jezika i pisama koji su u upotrebi u Bosni i Hercegovini,
- (2) U svrhu uspostave sljedivosti, svaka pošiljka proizvoda iz člana 2. ove odluke, namijenjena otpremi iz EU u Bosnu i Hercegovinu, mora biti označena identifikacijskom oznakom navedenom na izvještaju i certifikatu iz stava (1) ovog člana. Svaka pojedina vreća ili drugi oblik pakiranja ili pakiranje koje se sastoji od više pojedinačnih pakiranja, koje čini pošiljku mora biti označeno istom oznakom.

Član 4.

(Službene kontrole)

Na osnovu garancije koju je dao nadležni organ zemlje porijekla, naveden u članu 2. ove odluke, a u skladu s odredbama člana 16. stav (2) tačka d), člana 39. stav (1) i člana 40. Pravilnika o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja ("Službeni glasnik BiH", br. 5/13 i 62/17), učestalost fizičkih pregleda koji se u Bosni i Hercegovini provode na pošiljkama proizvoda iz člana 2. ove odluke, podnesenim u skladu s članom 3. ove odluke, smanjuje se na najviši postotak broja podnesenih pošiljki, kako je utvrđeno u Prilogu I, koji je sastavni dio ove odluke.

Član 5.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 63/26
5. marta 2026. godine
Sarajevo

Predsjedavajuća
Vijeća ministara BiH
Borjana Krišto, s. r.

PRILOG I.

Hrana	Tarifna oznaka	Pododjeljak	Zemlja porijekla	Mikotoksin	Učestalost fizičkih pregleda (%) pri uvozu
— bademi, u ljusci	— 0802 11		Sjedinjene Američke Države	aflatoksini	< 1
— bademi, oljušteni	— 0802 12				

PRILOG II.

European Union		Certificate to EU		
Part I: Details of dispatched consignment	I.1. Consignor		I.2. Certificate reference No	
	Name		I.2.a	
	Address		I.3. Central competent authority	
	Tel. No.		I.4. Local competent authority	
	I.5. Consignee		I.6. Person responsible for the consignment in EU	
	Name		Name	
	Address		Address	
	Postal Code		Postal Code	
	Tel. No.		Tel. No.	
	I.7. Country of origin	ISO code	I.8.	I.9. Country of destination
				ISO code
				I.10.
	I.11. Place of origin		I.12.	
	Name	Approval number		
	Address			
	I.13. Place of loading		I.14. Date of departure	
	I.15. Means of transport		I.16. Point of import into EU	
	Aeroplane <input type="checkbox"/>	Ship <input type="checkbox"/>	I.17.	
	Railway wagon <input type="checkbox"/>	Road vehicle <input type="checkbox"/>		
	Other <input type="checkbox"/>			
Identification				
Document references				
I.18. Description of commodity			I.19. Commodity code (HS code)	
			I.20. Quantity	

I.21. Temperature of products Ambient <input type="checkbox"/> Chilled <input type="checkbox"/> Frozen <input type="checkbox"/>	I.22. Number of packages
I.23. Identification of container/Seal number	I.24. Type of packaging
I.25. Commodities certified for: Human consumption <input type="checkbox"/> Animal feeding stuff <input type="checkbox"/> Further process <input type="checkbox"/>	
I.26.	I.27. For import into EU <input type="checkbox"/>
I.28. Identification of the commodities Batch number Treatment type	

